

世系圖

文章錄

謾成

附神道碑銘

滄洲集附

五山集

智







五山集卷之七附錄目錄

迓城車氏世系圖

迓城車氏三世文章錄

謾成

其二

題鉢洲

題海山亭

題同隣脩契帖

同題

附神道碑銘



齊安送客

題鵲都修契序後

滄洲集

附

五言古詩

旌忠祠

五言絕句

和尹開寧東屯八詠  
歧灘春雨

浮山秋月

麻浦朝烟

楊花夕照



淨土尋僧

清溪採藥

鐵郊牧笛

馬山樵歌

七言絕句

北山驟雨

懸崖鶴窠

秋懷四首

安州即事

謾興四首



杏花

梨花

降仙樓二首

烟沙晚笛

嵐寺曉鍾

冠岳晴嵐

雨砌看花

箕子墓

東明王

麒麟窟



綾羅島

浮碧樓

練光亭

豐基訪白雲洞書院二首

登漢江樓船醉呈韓判書權叅判

偶出郊外冒雨方歸聞朴經歷來訪不遇二首

老翁調笑

龍虎二首

春興二首

五言律詩



穆清殿

青山二首

綠水二首

明月二首

儒術二首

歸田二首

清明日除授司饔院正

奉贈冬至兼聖節使金侍郎

挽成教官汝學

三色桃



奉次睦孤石長歌見寄韵

雷雨

雉

鬼

犬

羊

牛

馬

虎

熊



豹

龍

麒麟

鳳凰

龜

大鵬

白鷗

鶴

鵝

鷹



天磨峯

新羅行寂國師白月棲雲塔碑

對月獨酌忽憶山居

送友人之任嶺南

禹兵使

致績

與余同第

趙都事

金浦縣人也

送聖節使金侍郎赴京

追李燮

良策戲題

安興梁即泰安南麓也



四絕亭

長白山

燕浦受降亭

奉成川府伯柳公

關西驛館逢李達

崔都統

鄭侍中

先祖諫議公

徐花潭

道遇朴守庵

鄭教官

躋  
躋  
駁  
山谷村舍



到玄風聞郭大夫戰蹟

聞說天朝舟師已泊海西

金

庚信墓

竹陵

奉安州曹使君

好益

龍灣對雪

客中書感

巡察徐公防禦具公設柵領原外城

謝金察訪惠蓑衣

評品大家



詠雪二首

醉席代戲贈



五山集卷之七附錄

迤城車氏世系圖

澹洲後孫持  
附諸末編而  
二不合處姑  
來其系圖請  
與柳夢寅所  
兩存之以傳  
載於文苑故  
撰碑文有一  
疑

始祖孝全子秀毗

新羅丞相  
高麗太保

子季隣

高麗侍郎

子用杞

高麗內史

子伯炤

高麗御史  
中承

車濟能後  
孫而三韓  
翊贊功臣  
大承柳車  
達長子也  
五世祖新  
羅司空叔  
當憲德王  
弒立陰圖  
報國事露  
匪高句麗



儒州變姓

柳代當麗

和南征公

家主豪富

辦車乘運

軍餉麗祖

嘉其功復

舊姓車氏

賜籍延安

封大匡伯

延安君

子茂鋼

高麗平章

事

子舉首

高麗太僕

寺丞

子稽漢

高麗西平

伯

子若春

高麗兵部

侍郎

子子順

高麗儒州

伯

子德威

高麗右軍

兵馬使

子幼塏

高麗諫議

大夫

子倜

高麗參政

子仲規

高麗三韓

大將

子受河

高麗郎將



子松佑

高麗中興伯

子得珪

高麗都摠制

子蒲溫

高麗左承相

子宗老

高麗知防禦

子原頰

高麗諫議大夫我朝贈左賢成麗末退隱平山水雲巖洞事蹟見柳夢寅所撰顧齋神道碑

子安卿

高麗中郎將

子尚道

進士太宗朝直拜二品職

子繼生

因先祖被禍累變姓名或云林成富一名寶連一名善生

子敬輟

字顯玉

子希仁

初名仁字慶來



希仁子迺富

廣運子軾

字敬叔

順齋

中宗丁丑

生丁酉

馬癸卯

科行府使

宣祖乙亥

卒後贈

禮曹叅判

子尚義

幼時逃竄得全

子殷輅

十七能文

章早夭

子金輅

子天輅

字復元

五山

明宗丙辰

生

宣祖丁丑

文科丁酉

子賢仁

子轉坤

字用之一

云德厚光

海康申文

科

仁祖乙酉

為河東縣

子啓成

護軍

子厚連

改名萬連

子廣運

教官

子戎云



重試行奉

監

常僉正文

章顯于世

與柳西炯

金清陰為

迎詔從事

公之病也

奎星預占

者以為文

士亡未幾

卒

子雲輅

子運坤

字萬里彌

滄洲

明宗已未

生

宣祖已卯

司馬癸未

子累徵

子啓璿

子仲璿

子載寶



文科壯元

侍講院編

善行內資

寺正

子夏輅

戒子逸立

子時轅

子熙重

子命麟

實載子德輪

子聖規

子賜九



近城車氏三世文章錄

謾成

車廣運著

一炷清香三尺琴高山流水孰知音靜中要得淵明  
趣絃上唯求太昊心月入松櫪金瑣碎風生竹砌玉  
蕭森興來愛奏陽春曲開得寒梅遍北林

其二

吟肩高聳雪山雙寫出幽懷筆似扛風力巧能開北  
戶日光容易過南牕世途險步傾三峽宵海窮愁濟  
九江又苦年來消渴病床頭安得酒盈缸

柳於于夢寅嘗曰車老廣運之韻律奇古有大手



段宜作舊都文章之倡先而其子與兩孫之世比

三孫者有所來歷

其二

三

三



題鉢洲

車軼著

朝玄圃暮蓬萊山月鉢洲寺香風桂樹臺俯臨東海  
揖麻姑六六壺天歸去來

題海山亭

疎雨白鷗飛兩兩夕陽漁艇泛雙雙擬看賜谷金烏  
出畫閣東頭不設窓

題同隣脩契帖

鵠嶺絃歌遠龜書麗澤深雷陳千古契鮑管百年心  
繭紙吟巴市茱囊效楚岑鄉風遵序齒名字卷中尋

同題



河須騎鶴上揚州不似乾坤樂地遊  
碧落長絲難繫日紅塵踈髮已先秋  
金蘭故國山河會風月諸君草木  
儔出順苑安稱達士樂天知命莫  
深憂

附神道碑銘

粵在東晉大元中而有姓車名濟能者事新羅味  
鄒王為丞相鄭知常西京野史稱濟能劉累之後  
箕子來東以四族俱濟能之先即其一也其後有  
登國有殷甫有迺廣有徽曼有智有溫伯有楮有  
淪有婁漢有盾階有段式有憲有渡康有儉夫有  
達甲至丞相承穡司空恭叔凡傳十八葉為丞相



者十四世也其奕世茂閱可想憲德王彥昇弒  
自立承穡父子陰圖報國讐事露竄匿高句麗蒙  
其祖儉夫妻姓變楊爲柳承穡稱柳桓恭叔稱柳  
淑自此傳五世至孝全當麗祖南征辦車乘運糧  
餉功甚巨復孝全舊姓爲車因籍近安會邑千戶  
封大匡伯孝全生太保秀毗秀毗生廣評侍郎季  
隣季隣生內史用杞用杞生侍御中丞伯炤伯炤  
生平章茂鋼茂鋼生西平伯稽漢稽漢生儒州伯  
子順子順生諫議幼塏幼塏生三韓大將仲規仲  
規生太僕寺事舉首寔生若春兵部侍郎若松丞



相若春之子德威為右軍兵馬使德威之子侗為  
叅政侗之子受河為即將受河之子松佑封中興  
伯顯宗朝平崔忠獻之孫誼之亂錄衛社功升戶  
居縣為復州入元朝討賊有勲特賜都總制曰得  
珪官都總制曰蒲溫官丞相曰宗老官知防禦曰  
原頰官諫議諫議之於麗末退隱平山水雲洞時  
犯遼議起我 康獻大王憂之與 恭定王便衣  
訪原頰語其顛委原頰據義理力言其不可 康  
獻大王義之諾而去暨開國將策勲原頰力辭曰  
家世仕麗朝已五百年况左脇金鱗彼昏尚在何



敢二心纖我先人忠烈耶暨康獻大王定都漢  
陽以故舊召之至則舍諸禁中會天雨上攜原  
頰手步出東苑袖撥葱種數升散之草間曰昔予  
訪子西村日晏飢甚飫子塲葱今手種此欲留我  
故人以會之所以志舊意也今之端葱臺即其地  
也一日又與之後苑辟左右語及輪傳宗社事原  
頰大驚曰殿下獨不見唐宋兩祖乎若之何發  
此言早知如此苑不敢來上曰吾爲公改之因  
力求去上亦不敢留時權臣河崙鄭道傳咸傳  
霖趙英珪皆車門擎出也原頰直書諸族譜四人



厲牙抵牾諛之曰原頰以逆賊鄭夢周外從兄弟  
不來佐命且以冢嗣元妃從祖行將不利於太弟  
率家兵殺原頰於松京夷其屬八十一人其子中  
郎將安卿自縊死厥后恭定大王察其寃追  
贈資成惠莊大王降旨錄子孫至恭順大王  
朝命儒臣朴彭年撰雪寃記自諫議父子死不辜  
單孫尚道逃竄近喘尚道子寶成東西南北於糊  
口予繼生流徙還故都始業武爲護軍散職也繼  
成子廣運習經籍屢舉不勝因鄉選爲教官冷宮  
也數千載三韓大姓至此而替極矣教官娶僉知



鐵原崔漬女以正德丁丑九月二十九日生公公  
諱軾字敬叔號願齋生聰明十歲誦詩書受學於  
花潭徐先生敬德所貫通經史又能義詞翰絕異  
儔類弱冠魁鄉解嘉靖丁酉捷進士癸卯登文科  
甲科第二授內膳寺直長其歷官也內之成均戶  
曹禮曹奉常校書承文諸司為佐卽主簿校理校  
勘直講等官外之通津黃州海州高城平海諸邑  
為縣監判官郡守尋官八為典籍五為直講三為  
判官立朝三十餘年官纔四品我德恬如不以淪  
滯介意其莅邑慈詳寬簡吏民親愛之治高城有



績因方伯褒 啓特賞以表裏平生不問生產有  
無只對架書怡愉高城仙郡也得佳處起小亭彌  
海山亭人稱嶺東樓觀第一萬曆甲戌求補平海  
平海亦仙境也以其纔起草土不安簿領明年二  
月十一日病卒于郡享年五十九公文集五六卷  
失於兵火畱收拾祇若干篇惜也公結髮見知遇  
於金慕齋安國益挾文擣學自此著名當世其登  
第與盧蘇齋守慎聯榜蘓齋文苑哲匠也推公詞  
章喋喋不離口其為直講也有士子姜文祐者能  
爲文章以庶孽錮其舉國法應舉者必受先進薦



狀四館許其科中世法獎士子或模之文祐變其  
名模典籍安海及公名署海知之欲告官公曰文  
祐往年削科今又削之不祥吾寧受辜有不忍也  
海發之削文祐科銅之明年海目疾喪明每歎公  
之德不可及公嘗差典祀官祀 恭靖大王園寢

恭靖大王在位纔數年傳位于世弟 恭靖大  
王世代已遠只祭寒食而庶羞菲薄不蠲公別致  
誠虔齋沐潔身又令膳夫祠僕湯洗如已修築盛  
酒饌無不躬視祭罷夜未艾歸齋房假夢有宮人  
傳呼曰 殿下御正殿引見軾公冠服陞伏榻下



王若曰向者祀官只循故常饗不恪又不消潔  
今爾盡誠禮庶品皆可御予用嘉之聞爾母有疾  
予錫爾藥識之時大夫人<sub>在</sub>松都患帶下之疾苦  
甚藥不效歸路見兩大鵬爭一大魚盤中天墮之  
馬前即鰻鱸魚也其大尺餘鰻鱸對證上藥也公  
歸以奉大夫人病立愈夫人李氏系出牙州縣監  
繼天之女僉使順命之孫婦德完備閨門雍睦後  
公十八年而沒公葬于長湍白龍山先塋下其原  
卯塋西向生五男三女長曰殷輅未冠而夭次曰  
金輅爲族兄僉使希呂之後次日天輅丁丑文科



奉常僉正次曰雲輅癸未文科壯元內資寺正以  
天輅雲輅並錄原從勲 贈公禮曹叅判純貞夫  
人次曰夏輅長女適縣令田得春次適進士張應  
鳳次適忠義衛李汝春天輅娶宗室錦川正女生  
一男一女男曰轉坤女幼雲輅娶高山令女生三  
男溪極渾極淵極女二幼殷輅齷齪有奇才與文  
人崔豈李山海高敬命等齊名世稱八文章十四  
魁鄉解十七病死疾劇有青衣童子立于席上曰  
上天新建白玉樓招汝作記殷輅辭曰生年未二  
十未報父母之恩若爲我請上帝丐我數十年俾



得終孝死無恨矣。其童子去久而復來曰：「天上別無人可替汝記者。」上帝不余領汝，其速行。是夜父母之夢亦同。臨沒，端坐與訣曰：「不幸夭折，終負吾父母。」當訴上帝。七日還來侍側，言訖而沒。死後七日，天輅生其面目，極肖公。沒之夜，天輅哭泣昏仆，彷彿見公袍笏，倨床曰：「來。」天輅雲輅我往冥府，主壁大官據案厲聲曰：「汝何不以文章分與兩兒？」空持到此，可速往分之。吾故慙來也。仍出懷中一物，瑩澈如玉，大如盤者，曰：「此乃文章也。」手劈為兩片，分與兄弟，跪受俯伏。因忽不見。天輅遂題天輅文。



章如江海滂沛雲錦燁燁晷刻之間注筆十萬言  
雖數十手不及寫一下筆不加點竄愈益奇雲輅  
攻易頗通蘊奧其爲文章不起藁叢紙立寫揮灑  
如雷掃風驅而皆雄偉著實萬曆乙卯年三月朔  
日有會之開城留守趙振侯之曰是日也日食于  
奎之分古者日食于奎之分文章之士必殞謝靈  
運范曄之苑亦應是災今聞五山車天輅病革得  
無應是災乎未幾天輅果卒嗚呼公之沒已四十  
五載其二子以當世詞宗其時與往返以斯文相  
與者凡幾人耶爲先人賁其墓道宜擇文章之最



高絕者而必待夢寅拙辭者何耶今者其兄雖已  
逝其弟之眼眶左大夢寅何敢發小巫之言貽大  
巫之捧腹乎獨惜乎軒轅之姓擾龍之裔隨箕子  
而東上下數千年取台鼎如拾芥而至季葉禍難  
荐臻以致子孫連遭彼微門小派不辨魚魯之夫  
猶煇煌金紫矜耀於一世以如許巨閥雄才帖耳  
於百僚之底卒不能騁力高衢豈夫人才奪天工  
爲造物所忌剋者非耶宜夫爲善者怠矣遂備本  
剽係以爲之銘銘曰

遼哉家世小興之裔權輿有熊誕降黃帝自虞以



上氏是陶唐夏爲御龍豕韋拏商厥係不常箕子  
受封唐胄來從臯祖車公摩晉之東于羅于麗俱  
二十宗中世變柳五傳復舊忠貞世守存罹殃咎  
家運蹙蹙挈挈靡留故邑是戾天磨之山與聖居  
匹崑崙崑崙崑崙崑崙崑崙崑崙崑崙崑崙崑崙  
洛河澎湃滉漾滄滄滄滄八于西洋王氏覆斬人  
傑殪殄地靈鬱愍悠久不泯蚡蜺英特癰疣光晶  
潰決不停敷發濟明公於是生高文麗藻亶然天  
造一命潦倒拂刺索志卷懷八地疇拔蘊抱大破  
懼惱上帝曰吁非我汝孤憐汝拘拘報汝紆餘雙



璧瑛瑛有曄其英不位而亨匪公匪卿子雲門出  
相如難兄幾雲道伏波穎蒲服不敢與京白龍之  
坡堂各嗟嗟貞珉有莪我文不阿千秋不頌

萬曆己未柳夢寅謹撰



齊安送客

車殷輅著

幾宴寧賓館頻登曠遠樓一朝雲樹別山碧水空流  
題鵠都修契序後

五百王都第一州儒林修稷最佳遊踏青三月消長  
晝泛菊重陽味晚秋曲水流觴何足數龍山落帽亦  
難儔養生送死皆無欠做得人間樂與憂

殷輅韶齒有奇才與文人崔嵬李山海高敬命等  
齊名世稱八文章十四魁鄉解十七未冠而夭



明世宗八年三月丙戌朔十五日庚子朔

丁未朔十五日庚子朔

丁未朔十五日庚子朔

丁未朔十五日庚子朔

丁未朔十五日庚子朔

丁未朔十五日庚子朔

丁未朔十五日庚子朔

丁未朔十五日庚子朔



滄洲集

五言古詩

車雲輅著

旌忠祠

宣川郡守金應河戰沒深河追贈兵曹判書立廟賜諡江上

遼北古建州藏蹲等株際窺觐中國界衝揆恣禁宇  
竊號稱可汗生憎兩阿骨天王赫斯怒搃戎申薄伐  
藩國亦受命萬甲伺俱發浚河纔入境未及封虎  
大將爭小功半道相交捽誤墮敵筌中全軍甘覆沒  
吾邦二帥臣膽怯心隕越望風齊解甲穹廬投拜訖  
英烈金將軍精忠貫日月臨危氣益壯據險植盾蔽  
生平見敵勇奮擢如快鶻鸞弓揮白羽隻手當萬卒



百發洞宵腋前驅總顛蹶矢盡却揮劍亂斫擲頭顱  
軀決剄又折岳立自揭揭兇鋒蹙如蜩雷吼猶包勃  
痛殺八尺軀摧殘見跼齧英聲震域中轉目豎毛髮  
當初錯料事不以公授鉞豈知陵與律投降有倉猝  
戰蹟遂上聞褒旌下九關篆刻既悲涼陵圖亦超忽  
蒼茫鴨水邊廟貌高突兀我來獨流涕爲章替碑碣  
江山及壯節萬古俱不竭

五言絕句

和尹開寧東屯八詠歧灘春雨

竹竿裊青蒹纖鱗共吞吐遙峰一點雲已落春溪雨



浮山秋月

霜輕葉未枯，夜靜風初歇。  
玉琴爲誰彈，空山對明月。

麻浦朝烟

遲遲上水船，急急下江舡。  
隔岸見初日，千家生白烟。

楊花夕照

楊花雪欲漫，桃花紅欲燒。  
繡作暮江圖，天西餘落照。

淨土尋僧

覓句老堪輟，爲官慵未能。  
騎驢時獨往，尋寺又尋僧。

清溪採藥

宿霧捲高岡，鳴泉出幽壑。  
攜筇採復休，步步春叢藥。



鐵郊牧笛

曠野草萋萋長橋人歷歷荆扉候牧童忽聽三聲笛

馬山樵歌

短童纔六尺析薪今如何帶索入山谷腰鐮行復歌

七言絕句

北山驟雨

一道輕風起座隅片雲容易落天衢龍公肯學元暉  
手畫作青山白雨圖

懸崖鶴窟

龍淵來訪洞中天千尺懸崖一綫烟今古空傳青鶴



窟冥飛何處逐真仙

秋懷四首

匡牀欹枕白頭翁  
滿目寒愁滿袖風  
庭潤不曾留片葉  
秋聲來寄竹林中

莫怪霜天催蕭殺  
真元含晦待開春  
方知節序爭相襲  
腐臭神奇各有陳

春山非必勝秋山  
擺落生成覺未閒  
舊綠如曾留木末  
新紅安可著枝間

雪霜風雨任乾坤  
柯葉年年出本根  
堪笑世間名利客  
一番榮落更無門



安州即事

三到安州已麥秋百祥樓上更回頭明朝詔使西歸  
路忍見滄波萬里舟

謾興四首

欲坐而坐欲眠眠看即林齋聽即泉蓬屋草處人不  
到往來風月與雲烟

文章道德之枝葉道德文章之本根從後視今今視  
昔幾多心跡照乾坤

進或爲官退或耕窮無鬻感達無營留觀萬古閒天  
地隨處平心寄此生



阮籍陶潛猶有託劉伶王績太顛狂微醺安樂窩中  
老留付滄洲此味長

杏花

杏花零落桃花繁  
翫惜餘春獨掩門  
自是董仙留舊跡  
休煩呼作酒家村

梨花

高花密葉轉葱蘢  
擺雪含霜白映空  
肯把官園論第子  
甘從大谷覓張公

降仙樓二首

一區形勝盡中求  
水麗山明玉作樓  
若使高唐神女



在應將雲雨下青邱

樓中華額出鵝溪鳳翥鸞翔燦壁題何故江山留不  
得終隨回祿落天倪

烟沙晚笛

長堤芳草綠萋萋一帶烟沙逐望低野笛數聲中斷  
絕幾家樵牧散東西

嵐寺曉鍾

蕭寺清冷住近岑晨鍾飛出綠蘿陰幽人本自留殘  
省日日重添一寸心

冠岳晴嵐



清朝齋閣闢窓櫺雨後山光綠遶庭夏把輕嵐千萬  
縷眞成天表彩雲屏

兩砌看花

幾叢繁萼淺深留對書牕費獨吟開落一春都夢  
幻看花長抱惜花心

箕子墓

遺墓千秋仰德輝八條神教更無違至今尙自殷風  
在舉國臣民盡素衣

東明王

高句麗將亡東明  
王塑像泣血三日

高句麗是東明國弁馬韓中第一韓九百歷年非不



足休論遺像血成丹

麒麟窟

文武雙連古井空麒麟  
深窟半山中天孫舊跡春成  
夢愁對江天落照紅

綾羅島

澄瀾還抱隔無隣百頃原平不起塵  
惟有長洲芳草色青青留作鏡中春

淨碧樓

牧丹峰下結飛樓千尺雙橋蹴玉流  
望極蒼茫烟樹潤行舟時復逐輕鷗



練光亭

危亭平壓浪江濤徙倚層欄寄獨吟  
辭道練光猶未  
愜須看千斛月鎔金

豐基訪白雲洞書院二首

戈甲叢中獨解紛門牆猶有仰斯文  
他年家國修名  
教道脉終知出白雲

太白山南小白東兵塵不及七官中  
早知天亦扶文  
獻應卜林泉一卧宮

登漢江樓船醉呈韓判書權叅判

十年東海坐觀濶今日仙舟李郭間  
銀髮不辭烏帽



落卧看西日欲銜山

偶出郊外冒雨方歸得聞朴經歷來訪不遇因  
作絕句以奉謝二首

蹋路尋詩已夕暉空煩嘉客款柴扉長郊草綠風和  
雨君與春歸我未歸

官橋垂柳絲如雲野屋梨花白勝銀三月可憐三十  
日忍教風雨送殘春

老翁調笑

老翁曾說我兒童今見兒童笑老翁休把形容妄介  
別此翁來自此兒中



龍虎二首

萬里長江蟄老龍層冰何處覓奇蹤  
當春雷雨喧天地飛入青雲第幾重

猛虎空藏寸草間狐狸輸與鬪妖嬈  
飢來却負黃昏月一嘯雄風動萬山

春興二首

逢春吾欲更留春休道醒人笑醉人  
白髮本非元白髮老翁曾是少年身

老翁軀殼少兒心天許留存見古今  
今古百年思爛熟春來休道惜千金



五言律詩

穆清殿

太祖影殿

日角昇天北龍章照海東  
繪成堯八彩幻出舜重瞳  
玉殿虹光爛金床月色空  
清都隨陟降還似御冷風

青山

青山立處立萬古不回頭  
磅礴形長旺氤氲氣共浮  
根株都植髮縷脉各分流  
便憶歸真宅終天寄一抔

綠水

綠水爭相逐前頭接後頭  
隨天常默運與道實同流  
溟海終歸盡江河不少留  
平生君子學堪就此中求



明月

明月出黃道周天成歲年朔蘓纔滿魄圓缺已生弦  
澹蕩春堪愛淒清秋可憐今宵萬里色樽酒且留連

儒術

儒術行天下明明日月光文從三代備書到六經詳  
大法傳家國訐謏護帝王休論今可學初不爲秦亡

歸田二首

城郭拋塵累林泉寄此身才將天與朴心許道爲隣  
細酌誠知趣孤吟轉入神平生羞物役窮老愛沉淪  
遯莫緘金口休令轉石腸陞沉欺道德窮蹙蹙抱文章



谷透風生室山明月到床衰年最相識惟有太和陽

清明日除授司謫院正

膳部叨官長榮高杜審言老鑿斟可錄衡尹割堪論  
舉品先嘗食當衢共置樽佳辰賦歡喜飽德感君

恩

奉贈冬至兼聖節使金侍郎

素魯行周禮藩都選价臣清操常立獨雄筆更如神  
海濶經南極天高望北辰其旋家國幸歸路及王春

挽成教官汝學

成公方外客卹壑守天真筆健盈千首年高過八旬



寄書當此日銘碣更何人  
悵望楊山路泠然淚濕巾

三色桃

一脈春心動三分各吐光  
巧將紅粉澤均播淺深粧  
楚恨看相妬秦情問孰長  
輕衫開綠酒攀折惱柔腸

奉次睦孤石

長欽

見寄韵

把筆遙相憶誰堪伴醉醒  
望雲當落日披霧隔晨星  
海外江山助塵中老病形  
城南逢驛使愁問短長亭

雷雨

電駭雷驚日山摧石裂時  
長風驅作陣急雨灌成陂  
動植皆傾倒神天自轉移  
衰年觀物變無語獨抽思



雉

耿介自迎敵山梁雄擅場舜衣稱古象殷鼎問何祥  
苑亦冠荆楚生應獻越裳休嫌八大水彩氣尙成章

兔

謾說搗靈藥空聞吐月光拔毫書可錄觀象易無方  
龜背半癡黥盧前同鼈僵莊生真博識蹄兔兩相忘

犬

誤作楊生扑堪傳陸氏筒獻葵誰戒德得歎儘爭功  
耆覓中山北萃思上蔡東舐糠徒及米無路吠村空

羊



五穀猶賢相千羊即賤裘秦強難格虎齊愛易酬牛  
峻坂賜爭曲虛庭舌獨留尋常存抑戎無醉亦無憂

牛

萬國皆耕種農功實大哉黑生祥可薦青出聖應來  
未及平田罰翻愁墮邑災桃林知不遠歸路更逢回

馬

飛黃服皂日龍馬負圖天地用功無敵乾行德不偏  
空傳穆王八鳥取景公千朽索真堪訓留精願執鞭

虎

雄武風颺動文章天地俱食猶求百獸行豈避羣狐



自愜眠當谷誰櫻坐負嵎申威如不殺堪作犬人乎

熊

膜中藏大白毛際裏重玄武力補商牧神靈說羽淵  
倦經疑有術寒蟄類求全夏祀魚相問終知我獨賢

豹

吳客販吸問韓侯黃赤詩性廉飢不食文蔚矩留皮  
窄管窺難遍淡齧握夏奇方知君子變論革正相宜

龍

龍行人鬼中靈變出無窮江海潛藏遍乾坤上下同  
雷從風盪薄雲逐雨冥濛霈澤沾羣物神功付太空



麒麟

聖神開泰運靈物與時興  
亭毒初無種文明似有徵  
黃虞人不見郊藪世空稱  
休道臨西狩泠然眼睫承

鳳凰

十洲三島濶五色九苞文  
軒閣巢晴旭虞庭舞彩雲  
接輿歌莫避君夷歎曾聞  
覽德哀今古將雛度八垠

龜

洛出雖逢禹疇成却待箕  
三千神亦久七十策無遺  
憂裏剗腸日塗中曳尾時  
枯榮何足道藏六正相宜

大鵬



試讀莊周說荒唐笑不經沉麟橫北海舉翼蔽南冥  
擊水三千白冲天九萬青心肯或開豁留與鄙夫聽

白鷗

滄溟渺空濶寥落絕塵紛風靜鳴相逐沙暄睡作羣  
海棠紅濕雨江草綠和雲垂老扁舟客忘機獨對君

鶴

舉翮拂青田盤空逐羽仙縠山期七夕遼塞返千年  
按舞吳坑塞乘軒衛國顛誰知九臯夜聲徹已聞天

鵝

殼破金全逼毛成玉不如那論仲子食好博右軍書



鳳額高堪凸鳧脰短欲舒還同守戶犬警夜繞階除  
鷹

鈞翻翻千仞金睛徹九臯布飢猶可畜都酷夏難圖  
商收揚郊壯吳宮擊殿麤雄飛當夢澤休道有鸛雞

天磨峰

不作眞仙骨難登最上層地平中獨立天濶四無憑  
歷歷江山錯明明日月昇滄波徒極目何處愛鯤鵬

新羅行寂國師白月棲雲塔碑翰林學士崔仁

澆製金生書釋端目集碑久埋沒有農夫耕得  
之遂昇致榮川官舍字畫無錢落眞天下奇跡



也

羅代金生筆晉時王右軍古碑如隔日陳跡憶棲雲  
卧虎跳龍字迴鳳舞鸞文沉埋還出世挑剔播清芬  
對月獨酌忽憶山居

林泉常在目歸興短還長霧濯松含翠霜催菊散芳  
琴尊愜幽獨風月趁清涼老作淹留客啣杯笑一場  
送友人之任嶺南

地隔文昌郡天低智異山樹恩辭北闕結綬向南關  
詩憶風雲助官知簿領閒舊僚今白髮昭悵別筵間

禹兵使

致績

與余同第爲當今武宗屢分閫帥



入搃禁衛暇日置酒城南邀隣曲諸公余亦參  
席

秉鉞雄分道歸朝勒五營鉤陳推宿將封域倚干城  
桂海烽全熄華山雪半晴乘閒隣曲宴文武共輪平  
趙都事愚金浦縣人也清修苦節冰蘖自守壬  
辰倭亂倡義討賊兵敗戰沒今經故壩感歎賦

詩

憂國奇男子捐軀烈丈夫錦山鏖戰罷金浦返魂無  
墓刻非瑩域褒旌即畫圖故居空寂寞衰涕灑行途  
送聖節使金侍郎赴京



五百貞元會三千德水光帝京環紫極王國鎮青陽  
玉帛風雲氣衣冠禮樂場年年朝聖節地久與天長

送李燮

名台佑與余  
司馬同年

季燮家何在城南古井田園荒餘淚水官薄只狼川  
款曲開樽日淒涼聽笛年重來尋伯氏相顧共潸然

良策戲題

良策無良策窮途是暮途風塵黎面目歧路白髭鬚  
寄跡衣冠列冥心水石區連宵歸別業春夢亦知吾  
安興梁即泰安南麓也劍石亂布海濤衝激漕  
船所過易致傾側麗相王漑欲斷鑿郡後山脊



徑通舫楫功不得成就遂自逃去至今傳說掘  
浦云

萬古安興脊天橫一石梁誰能鑿浦淑欲便引舟航  
禹德終難及夸靈昔未詳停驂獨怊悵陳跡憶癡狂  
四絕亭

寥落開平驛棲遲病督郵峽中吟四絕關外度三秋  
親老宦情薄路長歸夢悠爐峰如舊識來對客窓頭  
長白山

白頭與長白空外疊峻嶒東作三韓脊左成天下肱  
烟雲相盪薄霜雪競飛騰便憶崑崙脚冷風恨莫乘



蒲浦受降亭

北門專鎖鑰雄武更無雙  
曉日旗翻岳清秋劍洗江  
磧黃雲掩壁闕白月臨窓  
整逐將軍駐公庭宴受降

奉成川府伯柳公

公諱夢鸞與余同源  
分派同出於開國公

雲壑潛藏久霜臺拔擢新  
清朝辭茂秩深挾牧疲民  
卧閤官如水明農惠若春  
爭喧同此說嘉績琢貞珉

關西驛館逢李達

邂逅關西驛披尋谷老詩  
燭殘宵欲半盃盡語移時  
湖海別家遠黃平歸路遙  
各高何所得雙鬢白如絲

崔都統

瑩



國國真忘死悲涼老鐵城斷頭身自立全節世皆驚  
海竭忠難竭山平憤未平高陽餘古墓春草不堪生

鄭侍中

夢周

霸業將終日王圖改卜年國援休北望天氣已南遷  
社稷心空壯經綸寧可傳三韓一柱石零落竹橋邊

先祖諫議公

慘愴松原路辭歸漢國初故山纔八日冤血已沾裾  
亂略人誰問精忠史不書徒將七代淚來灑此丘墟

徐花潭

敬德

耿絜託丘園沉潛望道源得聞先哲業窺得後天元



絕代尋高步迷邦守篤論花潭若箇畔名號歎長存

道遇村守庵

枝華

鄭教官

磻

暨叙山谷村舍

二老將奚適流村坐樹陰不期相會面終夕與開襟  
但覺曾先去那論孟戎心迢迢關嶺外何處更追尋

到玄風聞郭大夫戰蹟

嶺外奇男子玄風郭大夫朱衣臨賊陣玉笛殿歸途  
國若招元帥君堪協壯圖乘秋收鐵甲環海待長驅  
聞說天朝舟師已泊海西

轉粟星爭疾徵兵箭若飛舳艫連海道戈甲震天威  
傷塞休營窟環山定合圍終期一掃蕩無使片帆歸



金庾信墓

絕代英雄將當朝社稷臣阿餐是桂國庾信即庚申  
寶劍騰鞘日陰兵捲屋辰蚊川餘古墓指目想威神

竹陵

城雲青寂冥陵草白蕭森霸跡鷄林櫝神功勿葉簪  
指揮圖國亂雄武見王心戎馬重回首西風淚滿襟

奉安州曹使君

好益

護國領人傑勤王獨使君謫來稱講學兵後作將軍  
倡率知名士圖成不世勲中興麟閣上嵬目待風雲

龍灣對雪

時天兵十萬南下



寒煥遵長路東西遍極邊關雲飛渡海朔雪舞連天  
凍合江聲裂夏殘燭淚懸南州十萬甲歸夢想難圓  
客中書感

受敵三韓獨徵兵萬國咸雪毫新白鬢霜葉舊青衫  
逐路多全逼環山日欲銜昇平難再得隨處話酸醎  
巡察徐公防禦具公設柵領原外城椎牛饗士  
刻期臨敵橫槊賦詩

料敵巡城後調兵講武初椎牛登岳壽舁酒俯江醺  
風逐旌旛動雲連鼓角舒男兒同許國弓劍雜詩書  
謝金察訪惠蓑衣



割取映江菰編成臥月簑雪中雲點綴風處鶴婆娑  
客路霜初重漁舟濕暮過前山歌簫笠看我醉吟哦

評品大家

老杜傳家學陳楊各擅高鵬天回羽翮鯨海蹴波濤  
具體該唐律渼陂薄楚騷徐看終一割無復說鉛刀

詠雪二首

作氣三精塞迴光六合新水中容有火天下更無塵  
松老成真性梅寒釀別春扁舟愁獨釣茶鼎且留人  
漠漠從天降紛紛過眼迷丘原連上下歧路失東西  
表沴看牛日安排驗馬蹄茅簷光照燭應自誤鳴鷄



醉席代戲贈

但憶青春去寧知白髮添  
閒花撲瑤席嬌鳥闌瓊簷  
按曲琴聲咽傳盃指甲尖  
柔腸無一寸非爲鏤鐫銛



五山集卷之八附錄目錄

滄洲集

附

七言律詩

崧山懷古

箕子墓

浮碧樓

湘江別調

南陽監牧李

夢祥

曾巡海島得一驄馬

秋七月既望

天朝薦事李公

宗猷

將下日本



魚川吏卒持牛酒來問

過海州書感

久雨書懷

次具明府韻贈林秀才南歸

區中雜興二首

鶴林客館奉次月沙相國韻呈石峰四首

感遇三首

行藏五首

皇孫旣誕詔使將臨余以製述被徵入京

擬步詔使朱翰院之蕃詩草



陪兩詔使謁文廟二首

奉次梁給事

允元

宴南別宮韻

鐵嶺登眺

留贈孤松

與隣曲諸君共陟郭外屯山

南村訪菊酒席呼酌

榜中文武宴會

對月獨酌忽憶山居

追韓坡州益伯

獨寢



贈睦員外取善赴咸鏡都事二首

郭兵使

再佑

倡義討倭賊累立奇功

聽說洪兵使

有義

化去

奉贈巡察權公

縉

按節闕北韻

醉興

次韻贈靈樹上人

奉次鄭郎中醒齋韻

醉贈宋木川歸田

謾興

有減



感懷

奉次南隱金公題漢山麓隱障子韻

嘲俠少年

挽進士白

振南

送琴牧使

愷赴驪州

奉次韓平相國韻送漢山公歸大興別業

駱東訪學士金

著國

戲題李君梅鶴帖二首

馬上偶吟

旅泊城南對酌二首



凍吟

黃州

訪金中和伯變甫

統軍亭

與諸學士乘舟訪九龍淵

鳳鳴山

奉贈副使楊都科

滯雨黃州與東村登太虛樓

踏青日訪驕陽君閔公

仁伯

別業二首

風雨夜窓獨坐思歸



文殊寺見靈鑑上人詩軸

六月一日乘舟下龍山江

田園雜興三首

幽賞

撫古興懷二首

寧邊追柳伯瞻辛君祐兩學士

仁風樓

統軍亭書感

醉贈江東羅明府

夢賚

漫興



贈結城猶子之行二首

奉贈府伯鄭公罷歸祔陽

蒞谷新居

感興二首

雪窓偶吟

春雨

遣興

歌枕

海南尹

光世

掛冠不仕

奉贈忠清兵使洪公

有義

行軒



太常書懷

送姜都事

純移授通川

奉次留相用樊川韵

奉贈徐相國辭職歸京

奉謝留守洪公歷訪弊廬

留相漢山君宅壽筵日聯

思歸

春酒自遣

讀史有感

訪白雲洞書院



太白山在三陟府西

歸田

重陽對菊

默愚堂題詠

登崧岳

歸田

望洋亭

竹樓樓醉贈竹溪金公

上院

詠盤松



雙海松

石池

辛丑仲冬拜水曹郎監造國器

奉次朱翰院

之蕃

漢江船上韻二首

幽賞

咏雙梅

藥山

兵使南公

以興

畜雙白鸛使余賦之

挽觀察黃公

致敬

哭禹兵使



五山集卷八

園菊滿開獨酌成詩

挽海平府院君尹公

根壽

己未元日

挽金將軍

應河

奉陪華使船遊漢江

奉贈副使楊都科二首

五言排律

呈許相公

潛

案下二十二韻

祇謁 健元陵二十韻

奉呈天官月沙李尚書四十韻



詠懷百韻

奉贈留守洪相國秩蒲歸軒五十韻

七言排律

上留守許相公十韻

記

成均館重建記

墓誌銘

金松巖墓誌銘



...

...

...

...

...

...

...

...

...

...



五山集卷之八滄洲集 附

七言律詩

車雲輅著

崧山懷古

紇合雄圖散劫灰千秋崧岳獨崔嵬  
神龍寂寞雲歸海瑞鵠飄零月滿臺  
崇殿不知真殿處玄陵猶接顯陵隈  
淒涼一代衣冠盡鄭老何之吉老迴

箕子墓

商亡天下遍頑民裹足東來示不臣  
宗祀旣令微子出鴻疇猶對武王陳  
條成八法倫初馭井畫三農地自均  
大德流傳丘墓在七星門外拜行人



浮碧樓

浮碧層樓接絳河朝天猶記石盤陀雲橋歷落拋金  
輦霧窟銷沉斲玉珂半壁寒花爭錦繡幾年芳草闌  
綾羅僧歸蕭寺客迴棹千古興亡愁奈何

沮江別調

街頭柳疊黃金障城外江涵綠玉津早泊蘭橈徐擊  
楫偏含珠淚更留人愁連恨積雲中月歌細琴清鏡  
裏春從古爭傳離別曲須將淡淺問波神

南陽監牧李

夢祥

曾巡海島得一驄馬高八九

尺極其神駿

宣廟奇之進獻天朝牽到黃州



脫去銜轡走遍西邑追及海州望海嘶鳴遂自  
泳去

房宿淪精降紫宸青驄毛骨獨超倫霜蹄碎電衝長  
路霧鬣生風掣後塵服御未經天北極潛藏還逐海  
西濱滄波萬里無尋處空憶南陽絕島春

秋七月既望巡察使洪公

履祥

與兵使高

彥伯

防禦使權

應銖

水使李

守一

同來永川設宴觀

德都事李

煥

虞佚具

混

郡守洪

季男

八叅余及

接伴官趙

玆

同預座席遂賦二律以紀盛會

南邊戈甲苦相持日域封君更待期控扼區分諸節



鎮指揮同聽左監司平蠻遮莫從多筌請武復令駐  
少時爲問投壺成雅曲何如橫槊賦新詩

嚴程驅逐下炎州竣事無期久滯留左海風塵徒積  
日雙川雲物已驚秋軍門秘略爭籌畫賓幕清權故  
勸酬邂逅一場文武會亂中披寫亦奇遊

天朝簽事李公

宗誠

將下日本駐節全州朝廷

遣使迓慰大張聲樂百戲俱陳聊賦長律記之  
溟波澄澈絕氛祲德布威行撼古今日域臣民咸願  
戴天朝冠蓋已榮臨筵開秩秩登千品樂奏融融叶  
八音預跼鯨鵬添扈衛雲濤無使獨關心



魚川吏卒持牛酒來問

亂中飄泊不堪論  
未死相看亦國恩  
前日郵官今又  
過當時父老更誰存  
亭松月吐曾留客  
溪柳風生幾  
淅煩舊跡荒涼成一夢  
寒天牛酒敢辭喧

過海州書感

先君曾作通判  
雲輅降生於此

首陽山角雲生縷  
瀛海波頭月掛輪  
庾信自憐窮甲  
戎屈平誰識降  
庚寅終天獨灑傷  
心淚去國頻驚逐  
路身踽踽遑遑無處著  
徒成封域往來人

久雨書懷

艱難險阻飽經過  
謾說秋霖自有涯  
曉折蒲籬厨下



繼宵將簑笠室中遮一斑溪谷憐飢豹兩部前庭樹  
怒蛙會待龍勞星畢倦徐看天日出光華

次具明府韵贈林秀才南歸

莊生雄辯屈生騷半世沉冥絕代豪短髮羈心長北  
極清流孤嘯却東臯猶殘白玉擎天柱未試青龍偃  
月刀掃狄平蠻多少策投河空復憶單醪

區中雜興二首

管窄猶難窺北極繩長烏可繫西暉歸田慣學農桑  
業去國渾忘寵辱機暇日攜鏡穿峽徑投閒垂釣坐  
漁磯賴山洞裏春光晚藥自叢生鰕自肥



老既臨頭病亦侵甘從魚鳥託知音春耕幾處琛山  
庵午饑時看轉樹陰慣學齊民憂歲計那堪賢牧護  
那心晴照晏罷搦文筆呼取樽醪試獨斟

臨林客館奉次月沙相國韻呈石峰四首

老佩銅章嶺外天豈因求醉更求仙林田少試陶彭  
澤砂井翻留葛稚川夢裏烟霞思獨舉吟迴奎壁歎  
高賢三山月白仍添雪挑得瓊章第幾篇

判却行藏不問天冷然山澤作臞仙飲中逸氣簞崇  
岳辯處高談決鉅川未卜齊人殊有智翻思晉國夏  
多賢泥塗甲子何關我笑殺青袍白馬篇



健筆交橫想得天風襟超脫撼真仙孤雲脚下竊三  
島巨壑膏中納萬川久把昌言欺仲統休將經術詫  
韋賢平生枉作閒詞賦深悔雕蟲篆刻篇

塵劫誰傳別有天飛仙無據况金仙神功莫測堯觀  
華大道難名子在川敢謂匏瓜終不食非關博奕也  
猶賢年來讀破義文易萬二千從出二篇

感遇三首

軍容凋落國容空末路心慄舊大東散擲民生防納  
外維持宗社講和中難輸玉帛填谿壑易竭精誠格  
昊穹最是殷憂堪啓聖可無筋力效諸公



半世休官豈曰忙棲遲唯自返農桑傳經未必行吾  
道學劍何嘗赴敵場文武謾論才並用賢良誰鮮立  
無方年來面目青山在朝暮迢留入草堂

既作沉冥物外身休干摩擦市朝人銘山本不追班  
固耕石何煩問子真牀上虎韜曩著眼匣中龍劍任  
生塵三盃獨向雲天笑華髮星星動角巾

行藏五首

避世藏名不轉頭寥區休復說綢繆天機盡處方求  
樂人事叢中肯著憂火熱冰寒何所得流行坎止便  
宜休平生無惡亦無德南北東西皆自由



憶曾科甲萬人頭自愧空名冠八州  
踈濶未堪當世用浮沉徒作半生休  
窮來讀易希無過靜裏觀天想  
不憂畢竟增添心意識今年擬比去年優

獨卧林泉已隔年愁聞兵甲護臨邊  
終知有吳却無越本不尤人何惡天  
寄目風雲飛動外恣懷魚鳥往  
來前當時范蠡扁舟上神策幾多餘詠然

賢哲昔聞能避世龍蛇今喜更存身  
一丘一壑追真樂三浴三薰讓別人  
莫道蒼生堪繫望須看白髮已  
盈巾功名富貴知多少勤苦埋頭寄尺塵

淵明去後無真隱康節吟來有好詩  
安樂幾年稱快



活田園歸處任棲遲靜中形影復相問醉裏乾坤只  
自知二老高風難可作神交千載悵何之

皇孫旣誕詔使將臨余以製述祓徵入京

玉帝神孫降紫庭羣方蹈舞仰皇靈初聞少海中涵  
海夏覺前星又帶星祥發電虹綿百世輝曜珠璧接  
千齡詞臣柴筆今相待擬作山呼徹杳冥

擬步詔使朱翰院

之蕃

詩草

畫閣前頭水石隈叢梅繁萼盡情開橫斜老烟相  
鎖洞澈香寒月共來留客可堪因伴鶴拙毫端合夏  
銜孟詩翁獨對藜牀坐細讀黃庭絕點埃



陪兩詔使謁文廟二首

素王玄訓啓羣生聖處洋洋集大成事業自能談道  
體規模真箇法天行既將方策論文武旋把乾坤語  
性情薰沐承霑皆至理那家措目仰休明

將聖深知語事功經綸微妙奪天工依仁據德真成  
訓立教明倫待折衷七十身通非敢望三千親炙想  
遺風曾聞夫子殷人也應識箕封在海東

奉次梁給事

元

宴南別宮韻

欣瞻芝蓋下瓊筵捧讀新篇髮灑然健鶻翻風衝碧  
落孤鸞諧律八朱絃承綸國詔無前慶專對人思不



世賢枉沐清塵因醉德垂生何幸在宮聯

鐵嶺登眺

黑海圍天碧玉屏蜿蜒磅礴據坤靈  
鑿開闕路環東國飛報邊烽徹北溟  
但使龍庭無戰伐烏知麟閣有丹青  
年來久擲銘山筆堪笑風塵鬢髮星

留贈孤松

今將軍是舊書生到老相看若弟兄  
書去劉成存氣味雄飛雌伏歎功名  
連山冷雨三旬黑並海腥雲萬里平  
明日鐵關驅馬客白頭青眼有餘情

與隣曲諸君共陟郭外屯山



朋親携酒共登臨暇日遊觀敵萬金山疊若娛京國  
眼江平猶寄故園心飽看時菊凌霜拆愁聽羈鴻伴  
客吟歡謔不知天欲暮前村何處搗衣砧

南村訪菊酒席呼韻

清秋南郭對寒葩蒲座朋親感物華老日逢歡如少  
日君家留醉似吾家高歌曲曲聲聲轉放筆行行字  
字斜正好月中扶上馬江天寥濶落殘霞

榜中文武宴會

三十餘年一夢中風雲長憶繞金宮青春科第曾同  
榜白首功名問幾公文武即今看會合蟬貂相對說



窮通平生獨被泥沙困堪笑龍頭此老翁

對月獨酌忽憶山居

高頂山從望海來羣峰環擁獨崔嵬荒田散擲烟霞裏老屋遙懸水石隈偶落窮途時屢改那堪歸夢日相催方知馴活非無便野鳥江魚自作猜

追韓坡州益伯

公諱百謙最精經學與余司馬同年

可惜今亡韓益伯儒林誰識德榮華沉潛國倚經綸學敦篤人稱孝悌家莅職和平春有脚持論溫粹玉無瑕坡山剪燭渾如昨頭白追君感慨多

獨寢



閒居非必愛逃禪  
坐臥藜床及小氊  
鵬憶搏風超巨海  
龍思興雨塞長天  
田園既自荒三徑  
窮達眞難悔  
十年終夜無眠歌  
獨枕誰知虛白滿  
牕前

贈陸員外取善赴感鏡都事二首

鐵關遙望路重千  
歷歷高山大海邊  
亞使風標臨幕府  
省郎文彩照星躔  
軍謀籌畫憑多筆  
民瘼宣通倚獨賢  
整檄西曹巡北塞  
好將杠筆勒燕然

蓮幕徒看八幕賓  
掖垣誰識掌絲綸  
風生白簡朝參早  
雪暗青綾夜直頻  
投筆出關逢此日  
銘山迴旆愛何人  
歸來好乞專城印  
榮養高堂鶴髮親



郭兵使

再佑

倡義討倭賊累立奇功賊畏之棄

官歸家辟穀棲山猶進章疏感動天意心迹徇

強真箇一國奇男子也今聞化去作詩悼之

朱衣當敵掃妖氛白首棲山尚愛君天上難期赤松  
子人間今失郭將軍風雲鬱結平蠻氣金石雕鐫奉  
國文遙向嶺南揮老涕穀魂何處託孤墳

聽說洪兵使

有義

化去

將軍憔悴鬢毛斑憂國何曾一破顏文武風聲龍節  
鎮清忠氣繁照江山幾年雄鈞藏金甲半夜明星落  
鐵關二虜猶存君獨沒此生誰與話時艱



奉贈巡察權公

緡

按節闕北韵

剗剗天生一巨卿當朝勲業擅高名幾年帷幄常籌策  
多事封疆獨運衡闕北萊公今鎖鑰遼東英國舊  
長城歸來御席頻承問聽說平胡戢五兵

醉興

以我為老精神壯以我為狂氣味全但可持盃淡得  
趣那論揮筆或盈編時來時去本無適半醉半醒皆  
自然如此而眠如此覺閒中日月靜中天

次韻贈靈樹上人

世間平地自生疑道豈人能不可知儒釋淺淺分派



日邦家治亂獨觀時彭殤等是歸虛妄堅白何關有  
合離數路機權都默識敷陳堪笑更題詩

奉次鄭郎中醒齋韻

體中無物不稱佳何必醒齋減醉齋醉憶馬鳴當馬  
應醒者孤捐與孤埋心平剩欲行周道契合終將獻  
泰堦隨處但論天所賦百年聊自寓形骸

醉贈宋木川歸田

木川諱

惟諱

字士悔余之司馬同年也天資

跌宕嗜酒能詩乘醉高歌聲徹雲霄嘗讀余  
草稿曰君詩出自杜韓脫胎換骨深入理窟



數百年來未見儔匹云歸老湖西揮筆以送  
暇步芥宮問幾春白頭還憶少年身官非好物誠閑  
物詩不窮人便達人幾處荒墳埋將相誰家雄筆功  
星辰臨行撫背木川老心事此間難存陳

謾興

竹屋荆扉對數峰偷閒欹枕睡痕濃風來澗谷疑蹲  
虎雲起江潭憶卧龍諸葛豈知繞蜀相張良惟託足  
留封殘年更逐無言子飽作清詩一放慵

有感

愁對天星百尺鉉輪困誰識老肝腸君門萬里連同



闔世路千重隔太行黃髮舊聞秦蹇叔白頭冷見漢  
顏郎霜晨獨立寒江岸不是楊朱涕自滂

感懷

日域羈縻初納款山戎充斥又開邊兵農事急常憂  
國社稷心長欲問天許靖求田無可採素安流涕豈  
徒然平生夢想風雲會孤負塵中四十年

奉次南窓金公題漢山聾隱障子韻

八十還能聽德聰方知聾隱未全聾淵源夙抱經綸  
業羽翼終成社稷功圖國豈忘天四大憂民曾歎漢  
三空殷王不是無良弼猶憶甘盤舊學翁



五山集卷八  
十一  
嘲俠少年

楊花如雪草如烟  
蒲目陽春景色鮮  
細馬垂鞭雙闕下  
層樓懸箔九街前  
嬌娥穩逐金屏坐  
醉客爭將玉笋傳  
誰料征西瘦甲卒  
堪螯蟻虱又經年

挽進士白

振甫

妙墨清詩白玉峰  
憐君超絕繼高蹤  
猶慳寸祿霜科第  
剝喜傾都翫筆鋒  
家學未忘傳緒業  
親闈無復接聲容  
松湖冷落憑誰問  
怙悵春山馬鬣封

送琴牧使

愷

赴驪州

雙旌飄拂向驪興  
學士家聲久服膺  
試督通漕供水



運窮環封域護山陵常臚茂秩陞資級畿甸雄州付  
股肱安得隨君遊甌寺清心樓月對高僧

奉次韓平相國韻送漢山公歸大興別業

林泉休沐問何如歸臥湖西舊獎廬公理論中尋樂  
志安仁賦上憶閒居棲心澹泊終無適研學沉潛愛  
若虛猶有月簷風榻畔引盃清興未全疎

駱東訪學士金

著國

駱山泚寂鳳池深吏隱清風灑古今霄漢幾迴承寵  
渥林泉聊復散幽襟牙籤卷軸勤相對瓊貝篇章賈  
獨吟健筆春來聞益好晴窓連日細披尋



戲題李君梅鶴帖二首

臘天開坼兩三枝，幻出姑山絕世姿。  
霜後菊花猶覓醉，雪中梅萼可無詩。  
珊珊月凍凌虛閣，脉脉香飄透薄帷。  
好作林翁晨夕翫，西湖終不負多期。

一庭零落任棲蓬，萬里層霄寄夢思。  
為問縵山遙聚日，何如華表獨歸時。  
聲隨滴露梧陰徹，影逐懸空桂魄移。  
物外仙禽非可狎，窮年無使結長悲。

馬上偶吟

強縛塵纓出世間，東西驅逐飽多艱。  
身隨白髮年年老，夢入青山日日還。  
馬首篇章勞記憶，鷗行冠珮



追攀三重縣路尋將遍萬事今成一笑顏

旅泊城南對酌二首

臘天淫雨滯城南漏屋矮簷百不堪旅客欲投新宅  
里隣翁來問舊官啣渭涇誰復分清濁茶薺終難辨  
苦甘偶坐詩窮歸未得春知六十更加三

盈虛消息各安排孺物歸根次第催膝席薛筵無處  
聊蜀城蠻郭揔塵埃多經憂患人成器厭飽風霜木  
可材況是臘天冰雪苦請君相屬莫辭盃

凍吟

得見陽春又苦寒此翁身勢亦多難琢磨經籍枯腸



澁咀嚼爲章凍舌乾只怕冰霜纏屋角那論星斗繞  
毫端今人未必知心曲留付楊生後代看

黃州

海西當路一名都萬甲環營鎮不虞山疊錦屏圍曠  
野川迴羅帶束長衢層城粉堞連雲雨彩閣紅欄入  
畫圖暇日迺留翰樂事開樽橫槊更投壺

訪金中和伯夔甫

先君登第共先公尊季芹庠與我同數世通家非偶  
爾兩賢相好便堪終銀溪驛近金城縣洛浦雲連浪  
水風吾過六旬兄八十一番歡會謝天翁

我昔爲全  
城宰公乃



銀溪  
案訪

統軍亭

東國西門第幾關層城高閣俯龍灣  
平分巨壘連三圻統合羣巒擁八環  
鵲野雲銜斜日落麟州天拍暮潮  
還憑欄獨送傷春日留待蘋風入醉顏

與諸學士乘舟訪九龍洲

休論騎馬似乘船把酒相將鏡裏天  
千尺仰攀棲鶻岸九重迴泊襲龍淵  
長洲暮色低芳草古渡春聲徹採蓮  
拚醉若無諸學士白頭詩句倩誰傳

鳳鳴山



鳳棲樓對鳳鳴山天濶雲空鳳不還  
蒼竹實垂深院裏碧梧花落小庭間  
九苞文彩終難見千仞迴翔杳莫攀  
神聖已調金玉律瑞圖應自降東家

奉贈副使楊都科

遼陽消息苦難傳且泊清江出海堧  
南越可堪追陸賈西河空復憶張騫  
來擎玉節從天下去踏星槎向日邊  
早晚王師收界域平驅榆塞舊山川

滯雨黃州與東村登太虛樓

西關長路半黃州竣事來登百尺樓  
榆塞干戈江外暗蘭臺冠蓋雨中留  
連牀綠酒開青眼倚席紅顏笑



白頭明日鳳鳴山下路  
曉光淒冷宿雲稠

踏青日訪驪陽君閔公

仁伯

別業二首

憶曾詞賦競雕蟲  
並武隨肩入泮宮  
肯把龍頭分老  
物都將麟角識  
明公陞沉不奈雲泥隔  
曠達猶慙氣  
味同邂逅江城一盃酒  
滿汀春草踏青中

既自夏天又樂天真  
成平地半神仙  
忠勲壁上看題  
目耆老筵中問  
壽年寵辱榮枯雙  
闕外江山風月一  
窓前  
懸知縮項春堪膾  
呼取清樽載釣船

風雨夜窓獨坐思歸

來從江北到江南  
江雨江風兩不堪  
人老歲年嫌八



五山集卷八  
八春遲花柳怯三三詩情偏厚宦情薄世味常酸酒  
味甘遙憶故山泉石畔數間茅屋鎖清嵐

文殊寺見靈鑑上人詩軸其一幅即家兄五山  
首題五山旣沒鑑亦歸寂聊步元韻以志余感  
域中來去幾文雄終古層巒挿吳宮島嶼散拋碁局  
外帆檣撐出畫圖中披襟客對低山日杖策僧追蒲  
壑風蕭寺忍看留醉墨十年蹤跡總成空

六月一日乘舟下龍山江

幾年辛苦客中留今日飄然瞥八舟逢雨北來衝海  
角颿風西下蹴潮頭濤聲盪薄魚龍國暮色蒼茫隔



驚洲竄老行藏隨處是山歸聊自辨江遊

田園雜興三首

老年無復與閑情閑把躬耕代筆耕書積簡編終底  
用官求畎尺豈謀生春田百種皆民事霧谷千叢半  
藥名好讀神農湯石教抽身甘作箇中行

憶曾長鋏歎無家忽却吾生自有涯天授來年充率  
育春開桃李競芳華山童荷鉞尋泉脉村婦携筐摘  
菜芽只願時平寬力役專精耕穫與乘麻

短髮猶能日百梳寒泉烹粥和長蔬生涯寂寞常專  
壑歲計頻繁更斷畬上下鳴聲憐谷鳥沉浮游泳翫



溪魚誰知物物挑真樂留伴窮山一弊廬

幽賞

最樂長存窮達外浮名堪擲有無中  
攜家舊學龐公隱翫世曾聞柳季風  
日下真難追舉鶴雲衢誰復纂冥鴻  
平生獨抱閒軀殼揮斥三才與六通

撫古興懷二首

窮經嘗逐魯諸生藝苑文林遍古耕  
圖國敢論能事畢憂時長憶泰堦平  
藏書百代難逢老傾蓋何年更遇程  
解道子輿嫌有挾不知門外有彭璁

新學誠堪歎小生雄圖誰復問躬耕  
尊開北海憐文



舉鼓摻漁陽笑正平秦破國無師法律漢興人有定  
章程三雍夏覺東都勝剋割終能到五夏

寧邊追柳伯瞻辛君祐兩學士

京邑幾年歡共逐關山千里好相看來從金馬柳評  
事步出玉堂辛判官謫宦未論綿歲月邀頭終欲盡  
盃盤那知白首重尋日感古興懷獨倚欄

仁風樓

封域堪稱最上頭十三營堡護江流國門鎖鑰威聲  
壯邊塞關防武力邁玉劍纏虹衝絕壑金星銜月掛  
高樓王靈豈獨能征討須把仁風夏熟籌



五山集卷八  
統軍亭書感

統軍亭上望遼陽地覆天翻積虎狼草木不知唐日月山川皆失漢封疆九龍潛伏淵清靜孤鶴歸飛海渺茫惓惓鎮江城不見空將表淚灑千行

醉贈江東羅明府

夢賚

關西歸路實忽忽跋馬還驅亂峽中舊友若非尋學士此身那得到江東河陽花憶潘安惠單父琴憐宓子風金燭銅章隨所遇閔波亭上俯龍宮

漫興

七十殘年古亦稀身非蘧伯尚知非偶來京國尋遺



跡誰料朝班看舊衣為蝶夢中觀物化憐蛇行處任  
天機平生獨愛陶彭澤未畢公田已說歸

贈結城猶子之行二首

東韓門族歎凋枯五十傳家世有無科第只論輸薄  
宦身名終不假高衢求官已拙求田晚在徑惟君在  
叔吾但欲清忠循舊德何關人說若三蘓  
五山雄筆掩青丘今古詞人讓一頭別幅曾驚李提  
督壽篇堪詫顧編修詩文萋萋重千積名秩涼涼第  
四休如許奇才終抱屈可憐才命不同謀

奉贈府伯鄭公罷歸於陽



長白山前戰血紅書生頭角出遙空一時綿力圖平  
賊千古邊岷識鄭公薄宦猶憐終散擲彈章誰復辨  
孤忠詩囊劍匣翩然逝無愧東韓國士風

荻谷新居

留滯東關隔歲年那知窮老始歸田間隨野酌薰風  
日靜對農謳細雨天剝喜菜麻接籬落從教魚鳥伴  
林泉聊因筆墨供清坐舊作新成問幾篇

感興二首

生民有欲還無樂造物無心豈有私榮辱但論何以  
得行藏休問莫之爲疑中著眼方成悟辨處收功可



作師最是一言堪佩服  
沒身寧耐待前期

區區何必縛塵纓  
落落翻堪得此生  
風月興多留主客  
江山權不借公卿  
看花覓醉休論癖  
染筆題詩豈好名  
衰病年來深晦跡  
終無餘事掛中情

雪窓偶吟

連旬龜縮雪窓前  
凍舌難堪問字賢  
人十已千容有學  
寒三溫四更無天  
山留松柏不改色  
穴蟄龍蛇未自全  
畢竟陽春迴德日  
區中羣物各欣然

春雨

老翁無睡夜深聽  
好雨隨風忽滿庭  
鮮坼山溪還舊



綠抽添原麥弄新青蟲蛇勃勃爭窺蟄芽甲錢錢半  
露形正是天機流動處油然方寸接虛靈

遣興

少年嘗讀古人書錯謂功名只在予行到處生真契  
澗悟來仁義是蘧廬黃冠步壑身猶健白眼看天氣  
未除何物與闌閒事業此心都大付堪輿

歌枕

爭趣朝市非無客散擲林泉亦有人好把農桑長樂  
業休論榮辱自驚神間關谷鳥呼相伴稠疊峰雲共  
作隣醉去醒來歡未畢牀頭歌枕翫餘春



海南尹

光世

挂冠不仕高起書軒扁額五忘日

哦其中爭相酬唱余亦遙和

遵海浚巖隱逸區通衢休詫執金吾應呼既不嫌牛  
馬長短何須辨鶴鳧軒有五忘詩幾軸園開三益酒  
盈壺方知賀客身多累纔欲遺榮更賜湖

奉贈忠清兵使洪公

有義

行軒

磊落三韓一丈夫青冥旌戟下西湖威名豈獨山輕  
重妙略誠闕國有無並海風濤雄彈壓環岡雲堞鎮  
艱虞蠻平日待胡平日留取營平額即圖

太常書懷



數十年來病太常頭童齒豁任摧藏青山久隔春農  
澗白日增添夏景長抱玉誰憐頻別足爲書能費幾  
迴腸淡知翰墨聲名重難著疎狂一老蒼

送姜都事

統移授通川

先公曾授豐巖郡詩挂通川彩閣楣數十年來長作  
夢三千界濶邈難追終天自極心腸痛隔地遙露涕  
淚垂悵悵荆扉歸獨掩送君聊復坐支頤

奉次留相用樊川韵

浮名堪笑在樊籠故國秋容隱几中猶有壯心爭落  
日豈嫌衰鬢著西風身如粒粟棲滄海事若孤雲過



太空濁酒三盃琴數曲回看天際送飛鴻

奉贈徐相國辭職歸京

玉京回望五雲迷臥轍攀轅惜解携霖雨神功歸社  
稷陽春餘澤在蒸黎文開東序清風穆宴憶南樓落  
月低他日如論公德量天磨山與聖居齊

奉謝留守洪公歷訪弊廬

携藜亭角獨徘徊黃菊花連紫菊開但憶重陽佳節  
迫誰知留後相公來行厨錦里榮初極吹帽龍山與  
却催堪笑淵明不及我白衣空自與銜盃

留相漢山君宅壽筵口號

大夫八十九十三歲  
留相七十二歲



高堂百歲大夫人彩服明公七十春受國恩榮忠孝  
感銘勲彝弟兄身官寮獻祝爭前席歌舞呈歡滿  
後塵今古崧陽傳勝絕圖難模取語難陳

思歸

篆刻雕蟲嗅叱呵萍飄蓬轉飽經過轍中魚涸鱗常  
戢磨下驢瘦跡謾多陶徑已知堪獨樂梁噫何必夏  
高歌溪山風月終留待歸把澄罇灌太和

春酒自遣

既有田園歸便歸何論人與世相違詩狂似督漆龍  
鬪官薄常催宋鷁飛城市囂塵難著眼溪山風月好



念機春來更憶三間屋茅葦簷低棘木扉

讀史有感

吳曾能顛越自綿誠非吳越有憎憐方知句踐平吳  
日換却夫差敗越年裹革投江湖似岳乘舟浮海水  
如天荒臺極目空三百悵悵寒山起暮烟

訪白雲洞書院

洞即先生舊邑鄉因開祠宇等書堂山來小白峰巒  
壯水繞興州澗谷蒼道學傳從麗季久文風流及  
聖朝光南中多少青襟子幾箇藏脩待立揚

太白山在三陟府西百八十里山形雄壯土薄



天日重岡疊嶂隔閼塵土檜柏松杉四時蒼翠  
自古無人能窮踏表裏者也東國名山此其第

一

白頭山自崑崙出來作青丘太白山吞吐東南八九  
郡經圍關嶺百千巒興雲泄霧尋常內降瑞生祥縹  
緲間今古域中雄彈壓幾多神力濟時艱

歸田

百年長作好容顏順受勤勞若遇閒爲郡似曾嫌白  
髮歸田猶未負青山農耒務過金張業漁釣名高季  
孟間人亦有能知此樂誠難求進易求還



重陽對菊

護綽霜髯感物華  
窮秋風雨亂交加  
三三舊踏江南草  
九九重看漢北花  
門掩豈嫌塵客少  
樽傾猶覺醉顏酡  
茅簷卧對前山色  
幽興眞難數孟嘉

默愚堂題詠

南秀才渡居郭東  
忘憂里先忠景公遺業不  
求聞達來乞余詩  
遂次李白杜陵賢人東谿  
卜等韵以贈之

科甲何曾問孝廉  
時聞濡筆夢江淹  
北山未等參人宅  
東郭誰知逸士潛  
匹馬久稀尋草徑  
清談何日對



茅簷憑君欲說歸田計千古移文愧海盜

登崧岳

神崧飛舞鳳龍形頭角巉巉入紫冥積岵旁羅環北  
極層瀾縈抱控南溟雲連漢國淡春色草沒滌朝舊  
闕庭王業半千隨過鳥愁看山木獨青青

歸田

窮老持身似櫟株稱愚稱達謾拘拘青山對面仁無  
敵明月臨窓德不孤富貴已麾強晉國功名何顧小  
顓臾都忘義利胷中戰未必今肥肯昔臞

望洋亭



獨憑危檻俯滄溟  
河伯真成望大洋  
賜谷曉光隨日  
開蓬山雲氣接天長  
區分萬國環中列  
珠出三韓鏡裏藏  
會著星槎衝巨浪  
翩然直下到扶桑

竹樓樓醉贈竹溪金公

蹈海何曾問魯連  
抽毫相對謝臨川  
區中若掛銀河水  
盡裏疑懸粉壁天  
塵界已空風薄外  
奇標留待月明前  
旁人指點瓊臺會  
不是飛仙即散仙

上阮

萬石層巔挿斗魁  
三义紳瀑落天來  
金宮俯壓藏龍  
竇鐵鎖高懸引虎臺  
簪峽風枝琴徹曲  
環岡霜葉繡



成堆留連更待歸飛鶴呼取澄樽月下開

詠盤松

獨樹雄盤天出奇形支離處德支離橫纓攫虎挈龍  
餘遍插梳風沐雨枝匠石既無斤斧斲畢宏猶有畫  
圖期終知數百年傾倒收取湍沙木偃姿

雙海松

化工神力與栽培榦鐵枝銅護石堆只道園林蟠據  
木那論邦國棟樑材深根入地龍先蟄積翠連空鳳  
自来叟作山家雙益友華顛留對立庭隈

石池



八谷翻煥出谷川為收山石等籬邊初看玉鏡新磨  
濯却訝青天倒接連數點微淪風去後溪壑佳色月  
明前洗心何處尤堪賞過雨真源正沛然

辛丑仲冬拜水曹郎監造國器

冬官雖闕考工存按法圖形亦易遵簠簋陳床登黍稷  
尊壘列卓獻神人干戈久錢藩邦禮玉帛初迎上  
國賓何器可堪隨補塞不如鎔鑄一番新

奉次朱翰院

之蕃

漢江船上韵二首

九天煥渥三薰沐兩使冲襟一弛張已播清文驚海  
國旋抽高步下江鄉談餘頰吐風雲氣醉裏篇成錦



繡光明月滿艍歸未得好隨漁笛濯滄浪

暇日城南作宴遊樓艍搖曳暮江頭天風入袖歡相

沿海月盈樽酌屢酬鰈域敢論山水窟金陵遙想帝

王州家區萬里同文軌休怪停橈更借留

朱公金陵人

幽賞

馬絡牛穿既掉頭衰當求去病當休歸田彭澤松堪  
撫招隱淮南桂可留肯把蚊蟲勞惠子翻令蝴蝶夢  
莊周方從物外尋真樂何假塵間浪著憂

咏雙梅

紅梅粧對白梅粧一樹香連兩樹香粧吐淺淡誇色



相香飄薰郁共芬芳屏間隱約烟添縷鏡裏玲瓏月  
漏光更有仙標留作伴數聲孤鶴睡林塘

藥山

東臺峭絕北臺寬並把殘臺一樣看背指香山雄八  
道前臨溟海抱三韓長川曳練環成塹列岫羅鬟繞  
作壇正是登高指目處休論鄉國路漫漫

兵使南公

以興

畜雙白鶴使余賦之

一雙仙鶴下遙天來對元戎畫戟邊聲徹雲霄當落  
月毛驚霜雪弄朝烟青田路潤歸何日華表城空問  
幾年會待縉山王子駕回看塵世想依然



挽觀察黃公

致敬

鍾鼎儼形鐵石腸雄沉才局出尋常若論彈壓眞方  
伯如道經綸老侍郎年近八旬高鶴筮科連三世疊  
龍光冰天此別歸何處洪福山前萬古堂

哭禹兵使

公諱致績 國朝良將也身爲武宗屢寄方  
面歷職湖嶺統制節度及關西節度巡邊副  
元帥終授北兵使病卒于官與余同第情好  
最篤春辭冬沒老涕何堪

一生經武盡公忠古鼎凝姿斗膽雄名滿嶺湖雙節



鎮威行西北兩元戎驅除鴨水巡邊日控扼鯨波統  
制中長白山高青海濶天星何處落遙空

園菊蒲開獨酌成詩

園菊乘秋競吐芳奇姿堪詫草中王羣仙蔓玉銷金  
珮素女裁雲鏤月粧肯把風流期刺史猶傳神術託  
長房夕餐始覺非佳境試吸清朝浥露醕

挽海平府院君尹公

根壽

王朝曾詫老文星八耄今亡舊典刑華國辯論餘補  
黻上卿資秩接青冥山河作誓銘金石蘭玉傳家列  
戶庭一代溫良真色相誰持神筆與圖形



已未元日

冥冥花甲若循環已未生年又覺遷過去榮枯談笑  
裏方來憂樂夢魂間三元日下雙回目四大天中獨  
寄閒強把屠蘇供世態春風遙憶舊江山

挽金將軍

應河

穀魂招得鴨江邊片雨孤雲落几筵戰死將軍忠質  
日投降元帥罪通天綱常大節東懸國義烈英聲北  
照燕昭悵凌圖與墓刻千秋奇跡付宣川

奉陪華使船遊漢江

樓船橫絕若浮空星使佳遊照海東鏡裏天容晴得



徹屏中山色盡難窮芳樽接翠迴殘日彩筆連章落  
晚風好拍危欄催鼓笛傳聲河伯舞珠宮

奉贈副使楊都科二首

周漢相傳到大明况逢熙運接河清  
協天神化開金鏡建極星文穆玉衡  
鳳詔七行春動色鯨波萬里海無聲  
懸知宇下東藩在永世重添就日誠

西關北塞行將遍東作南訛節又過  
詩健若披衡岳霧文深如伏洞庭波  
山紅野綠供吟嘯海雨江風伴醉歌  
多少篇章雷灌耳三韓終古憶都科

五言排律



呈許相公

潛

案下二十二韵

聖主優清白明公邁等倫  
袞褒垂獎飾玉立表簪紳  
虎竹治名大麟符寵渥  
新材賢驚一代遷擢簪羣臣  
五馬曾遊漢雙旌又出秦  
居留當重寄盤錯屢高人  
束濕威豪吏烹鮮惠小民  
冰壺應徹底霜鏡更無塵  
但取清如水休論望若神  
公廉非造次操割謝因循  
政簡何勞化官高尙會貧  
壽星明迥夜卿月映蒼旻  
卓犖凌雲氣軒騰報主身  
遺氓爭想望餘澤及醲醇  
往者傷椎髓居然困筮緡  
周人幾被髮秦婦或反唇  
不使民無訟寧能俗反淳  
多時愁猛虎此日識祥麟



每慮徵黃速翻思借寇頻頌飛崧岳下喜溢禮江濱  
吏跡歸青史佳聲達紫宸他年一片石長與峴山親

祇謁

健元陵二十韻

寶曆三韓壯神功七德雄玉虹輝並燭金尺夢先通  
汗馬收關北乘龍御海東文謨光日月武略競雷風  
宸極承恩重藩邦聽德聰朝宗心旣篤弓鉞罷還隆  
法禹曾傳位齊黃夏等宮帝鄉終渺漠神策尙昭融  
奕葉昇平久彌年亂略訏云何蠻賊起翻致國都空  
遠憶崆峒濶平臨渤海窮唐朝石流汗羅代竹成藜  
歷歷天迴顧明明帝降衷一戎申薄伐三捷獻膚功



封域腥氛濯園陵瑞色葱祇承供灑掃齋慄徹欽崇  
松柏光風轉簷楹彩旭紅姑山蟠厚地喬岳接層穹  
莫測衣冠閔真成年穀豐千秋鎮家國薰沐泰和中

昔在壬辰端午祀官將備奠物忽聞陵上痛哭之聲  
徹於霄漢俄報京城失守其後賊三薰丁字閣火輒  
自滅至今  
獨存云

奉呈天官月沙李尚書四十韵

寶曆垂千古隆平際海東風雲佳會日龍象法筵中  
射策黃騰甲摛文白吐虹蜚英蓮幕遠視草玉堂空  
獻納偏承渥論思幾貢衷江爭詞彩潤山闔筆鋒雄  
制作參神域經綸擅化工本兵優彈壓平準協初終



儋相才誰敵文衡望獨隆簡掄多縹緲辭命信冲融  
禮陟春官久銓加冢宰崇兩朝黃閣老三接黑頭公  
裴護循資捷山稱啓事忠陶甄應不厭遷擢更何窮  
妍傑輸米鑑甘辛混藥籠區中皆拭目宇下競承風  
海絕遺珠歎天扶鍊石功鳳麟時掛網桃李遍成叢  
宣憶均千品民懷闢四聰苟非心直截烏致葉穹窿  
封域時傾否生靈倚擊蒙良圖惟育物長策在和戎  
聖德堯觀萃神功禹抑洪窮廬爭蹠足宸極望重瞳  
有客堪長往生平負薄躬田園隨寂寞經籍飽磨礱  
未卜三三徑先開六六宮靜中常目擊言外使神融



絕跡希闕尹安排共塞翁學虞初省括從道且張弓  
人與天難問才將命不同荆南思越石海曲想梁鴻  
寥落身名晚委遲歲月忽伏聞皇澤玉埋匣首山銅  
健隔追風電光難徹吳穹擲揄誠作鬼畋獵定非熊  
旅食愁庾癸危途恨鞠芎自能齊寵辱烏可惡窮通  
亂石耕田僕荒林採藥童秋風回白首天地一飄蓬  
詠懷百韻

驅駕東方朔鞭笞炙轂髡說中揮稷下文處壓平原  
但憶家聲重何嘗祖德謾羅朝丞相後麗代國公孫  
諫議忠難闕司空節自尊只圖新契活那復舊淵源



王父名稱厚嚴君講習溫擢科登亞甲分邑務除煩  
隨處精專極都將信義論幾迴臨路棘猶未撤心諫  
歷歷乎鄉曲團團奉第昆人皆推達識家獨痛靈根  
永負趨庭訓終銜斷織恩一官纔得遂雙淚却先吞  
綰墨迎湖邑傳郵隔塞垣自憐追薄宦誰與潔晨餐  
願欲干懸象神明恐覆盆俾監西籍稻歸省北堂萱  
祿美崇連榼蔬珍摘蒲園順承天惠渥調攝節寒暄  
煜煜星芒動冥冥霧氣繁帆檣連日域矛戟蔽東藩  
鴨水初停蹕龍津已結屯都城氛祲塞宮闕劫灰翻  
絕跡尋關路偷生訪峽村衣冠齊跋涉玉帛散繽緇



國計皆顛倒兵謀孰揀掄渡江無祖逖窮谷有劉琨  
飢渴哀相逼奔忙歎幾番驚惶遭巨痛摧折積淒惡  
弱植嗟連歿殘軀病獨存三京征戰合八道炮生喧  
易竭秦庭哭難招楚野魂蓬茅堪息足株木強棲鶯  
亂劇王靈替寇深敵氣渾漢猶圖獎率周豈擲鋪敦  
拭目祈天討披心吐帝閭風雷纏廟略斧鉞下軍門  
健策雙諸葛雄籌兩馬援薊遼抽武力江浙集橐韃  
鼓角山河裂旌旗日月臥搜川剝蛙蛤蹈海掇魚鼈  
潰卒多關輻奔會或絕蹕長驅收界域暨息集黎元  
服歷歆還整威靈撼莫掀為劉同左袒歸楚盡南轅



漢國搜前路崧陽躡舊墩郊關稀馬跡城郭絕車轡  
殿廢無尋鳳瓦殘並圻鴛徊徨肝欲裂驚動淚垂痕  
寢廟修楹栢祠堂薦藻蘩邦圖因草創軍務倚平反  
誰料凶年及還逢天札蕃溝渠委老弱間巷寂鷄豚  
水覆豈能沃灰飛無手燉撫襟甘退縮咋舌又何言  
華表重來鶴寒空便想鷓鴣征殊未畢餘孽又交誼  
龍節通蠻島星軺接駟驪何當終革面馴致約降旛  
勢若欄孤注官如待七奔輕裝勞競逐長路攝輜軒  
降顧終天痛垂憐寄奠冤龍山愜窀穸雉岳返丘樊  
脉脉看兵頓遑遑傷甲躡交綬旋過目挑索已隨跟



敢許羈南越空懷斬大宛  
蔡城高額額天策映煒煒  
五路塵還起雙湖血正噴  
火堪區玉石霜不擇蘭蓀  
經略雄頗牧軍謀聚育貢  
汰淘清渤澥呵叱倒崑崙  
銳氣衝瑤斗威聲浹浩壘  
嘯雲騰夜捷披霧放朝暾  
七德功將獻三韓域可捫  
永扶殘破國高會折衝樽  
魯境雖多壘堯封尚五惇  
熟看堂上燕恥作檻中狝  
但欲盤如石何煩蠹若璫  
靈丹期點鐵良藥怯燒礬  
遮莫麋同黥那論兔有爰  
猶能卑自牧翻詫進吾憎  
居不曾從卜行胡更待臚  
一斑窺管籥雙舞對庭鷗  
語邪知逾木評殷自半索  
壺觴非北海詩律即西崑



通判魚緣木卽官蠶處禪風塵紅沒沒雲壑綠蜿蜒  
世態秦王在交情伯氏墳只能澆磊砢休道歛瑱瑤  
局促懷沙殞悲涼抱木燔謗誼應在息心蕩豐山精  
寅伏羞爭兎辰沉怕雜魍幾人相接蝶惟我獨蟬媛  
山角攀丹桂江頭望白蘋腥膻纔失睦妖孽久騰騫  
已迫吳爭長終慚漢約婚尙留南岳虎誰掣北溟鯤  
杳杳梁登岳滔滔屈濟沅長心搔短髮迴首問乾坤

奉贈留守洪相國秩滿歸軒五十韵

左海函三國東藩第一州興王新王鏡圖霸舊金甌  
昭代經綸密明公拔擢右保釐須彈壓文彩想風流



學自尋師得名因發策收異材聞鳳嘴高第見龍頭  
臺閣論思功銓衡器識優絲綸稱獨步咲舌借前籌  
按節重宣化專城幾願留指揮輸悃幅吞吐絕剛柔  
蘊藉賢堪託寬和德寡儔武卿初納約開府夏分憂  
厚澤淪孤獨佳聲達冕旒兵農多勸相詩禮好藏修  
鈴閣花爭發公庭鳥倦投襟期常快活談笑盡綢繆  
謠俗欣相問篇章許共酬雄蟠山北鎮環擁海西陬  
疊嶺烟雲逼荒臺麋鹿遊花潭春似錦霞洞草如油  
銀瀑龍淵古瓊壇鳳岳幽鱗舟尋峽寺留客上鍾樓  
江黑收魚網川明拂釣鉤黃橋邀落日天壽望行朝



草沒思眞殿星沉憶故丘臺巖寒翠滴石壁晚楓稠  
文宴歡終極賢祠禮自由魁元歌盛會耆老薦珍羞  
秋月將三穀天星忽兩周離筵何卒卒回旆轉悠悠  
許國身難退歸山路豈遘林泉追逸軌廊廟待訏謀  
魚鱉餘蠶服豺狼有虜酋正希登策略非可樂田疇  
何處迷方客危途不繫舟彤神甘寂寞行止獨夷猶  
避世緘多口隨天放遠眸圓機窺橐籥承學本箕裘  
未讀五千卷虛名三十秋茫茫窮宇宙草草寄蜉蝣  
城市大夫朔江湖公子牟境從憂患改觀到死生休  
罷辱皆塵垢衣冠一贅疣間惟愛丘壑語不說公侯



目覩嗣宗尉無煩寧戚謳芹宮來講習蒹谷輟耕耨  
餘事論詩興淡情翫易繇百年知己淚今日送公愁  
雲海遙雙鳥丘山隔萬牛朝廷誰記憶衰白臥滄洲  
七言排律

上留守許相公十韻

礪礪曾懷八九吞青雲得路自騰鸞傾人意氣排時  
議許國心肝報主恩漢竹幾分憂共理周郊初保  
政平反治繩譽沿堪推擇遊刃才多合剗繁苦節酌  
貪應莫染高標拔俗淨無痕硯塵印絲羊公問玉潤  
冰清樂廣門百鍊肯饒炎火烈寸脰終出濁河渾惡



魚厲志休專美飲水求名詎可論櫛汨頽波撐砥柱  
紛披衆草識芳蓀向來最重循良吏清白如公古所  
敦

記

成均館重建記

東國有舊都非一而松京為第一論其鎮岳則崧岳  
也天磨也語其巨浸則西海也三江也都邑之壯文  
物之盛照耀麗代間於中國暨寶鼎南遷留置開府  
比之湯沐有田而只賦其稅無役而不與蠲免至於  
學校之政悉遵成均館之制品式周備一視京都



列聖相承眷顧彌深 成廟有米豆之賜 中廟有

綿布之賜 明廟有屯田畚奴婢魚箭之賜此則

列聖之所以養育多士者也 中廟之拜廟取士

明廟之賫題課試 宣廟之試才直赴公都會陞補

之設 聖廟之試才直赴童蒙私教設置訓導之官

及付籍生徒一依京學之例此則 列聖之所以振

作人材者也夫以 列聖眷顧之誠至於此極故當

時保釐之臣無不殫竭心思設立教條其所以供億

有曰作成庫者其所以講習有曰居接者有曰大同

接者有曰會試接者有曰白日場者有曰長都會者



上有以奉承 列聖之心下有以成就多士之舉人  
材輩出科第相望蔚然爲文獻之地矣不幸兵火之  
餘鞠爲茂草羣公樂成相繼立事殿廡齋堂次第營  
建簠簋樽壺又各陳列藏書勸學輟俸補資崇飾之  
方有加無損羣公右學之心其亦盛矣哉蓋嘗論之  
天下國家之政無大於興賢與賢之舉無大於振作  
振作之策無大於養育養育之具無大於學校學校  
之道得則彝倫叙而國家理學校之道失則士習沒  
而人材乏人材之乏天下國家之憂也三代之學不  
可尚已漢唐以來若存若亡吾東國三百州縣何處



無學校而列聖之所眷顧羣公之旰殫竭至於如此松都之爲士者夫豈獨有天幸耶如此而養育如此而振作如此而興賢則通之事親遠之事君其誰不曰國之忠臣而家之孝子耶孝子忠臣本無二道科舉學問亦非兩事學問以應科舉則科舉中學問也科舉以用學問則學問中科舉也任重道遠不可謂此非吾事地靈人傑安可謂世無其人如此然後上可以不負列聖之澤下可以不孤羣公之望江山無愧國家有賴不然拋經擲史玩愒時日舐筆吮墨徒希哺啜今年似去年取得如旰失則舊都文獻



之風從此墮地矣可不懼哉

墓誌銘

金松巖墓誌銘

前叅奉金質孫以其先大夫行狀來求銘於余其叙譜系則曰吾家氏族出於金海金海金皆以首露王為始麗末有諱添劍者為版圖判書移居臨江縣其子澤為禮賓少卿其後縣廢入于長湍其子孫來遷于松都衰微寡弱不絕如綫數世至王父公諱履祥字仲吉字量宏厚博學能文連取科第歷踐中外官至通禮院相禮王父公娶鷄林舊姓李公舜臣之女



以嘉靖甲申八月癸卯生先公天姿超出穎悟夙成  
博習經史貫穿今古辭學之義傑出倫比巴西中司  
馬兩格乙卯登文科歷職京外終於淮陽府使先妣  
崔氏吏曹佐郎漑之女系出於全州生二男二女先  
公沒長子賀孫壬午中司馬兩格庚寅增廣登文科  
官至秘書博士早夭次子質孫即我也以恩命嘗補  
顯齋兩陵參奉女適忠義衛吳應龍次適韓汝欽  
皆無後其叙官爵則曰先公立朝三十八年京官拜  
秘書正字著作博士奉常奉事主簿成均典籍承文  
校檢校理社稷令濟用僉正外官拜扶餘縣監甕津



縣令平壤判官麻田溫陽鳳山韓山沔川平昌郡守  
及淮陽府使京官句管無多而猶號勤能外官慈詳  
廉謹普著聲績其在甕津平壤溫陽平昌也吏民皆  
刻石銘德稱之至今其叙忠烈則曰先公在平昌日  
方伯具公以治平第一褒啓特命陞淮陽府使適值  
國運不幸倭寇猖獗聞大駕西巡京城不守泣曰  
君父播遷臣子豈敢自安枕席哉手奉飲食席藁露  
宿於公廡之下晝夜呼哭凶鋒充斥宇縣分裂先聲  
野及舉皆逃竄先公判官之日不滿數十或謂國事  
已無可為公當少避賊路先公答曰主辱臣死城亡



與亡吾計已決矣俄而羣賊奄至吏民皆散先公獨立官門怒罵不屈遂遇害窮天之痛曷有其極朝廷特贈禮部叅判兼同知義禁府事以表其忠烈先妣追贈貞夫人至於奏聞天朝又命官其子其叙德行則曰先公賦質溫淳不露圭角心平氣定與物無競莅職臨民率用惻惻至拊盤根錯節斷以國法未嘗容貸平居不治產業凍餒劫身終不改意性喜詩酒尋常吟咏積成卷軸王父公曾置書堂彌日心適左右圖書靜處其中年將八十講習不輟操筆爲詩辭調奇逸鄉中稱爲一代偉人公常侍側自爲師弟其



或從仕日久不堪思慕則投綬歸來躬奉菽水一以承順致養為務萬事隨緣一味快活不以榮寵為樂不以困厄為憂外柔內剛終始不渝又曰先公伏節之事聖上既已洞照近獲恩旨有曰金鍊光苑國之節炳炳烈烈在人耳目旌表門閭錄用子孫為教實孫奉讀再三感淚徹天先公沒二十餘年矣不幸吾兄早夭只有一男曰德後吾年亦過六十子孫俱未成立墓誌無文懼遂湮沒惟圖之余曰子之先大夫受學家庭策命王國平生所樹立至此極凡子時稱皆實錄也吾何敢以文拙為辭公諱鍊光字彥



精自歸公嚴遺文散落僅得若干篇公庖之日時年  
六十九二子衝冒矢石收拾遺骸歸葬于長湍沙川  
法塘西麓以從先塋云銘曰

學足以行其德才足以輔其國惠足以臨其民仁足  
以殺其身生稱潔白循吏死作忠烈雄鬼倬彼天監  
山南嗚呼埋此奇男



五山集增附目錄

五言律詩

善竹橋

七言律詩

題詠月樓

烟波亭八景

野橋歸僧

贈楊龜陰公

時晉韵



滄洲集增附目錄

七言絕句

山行即事

七言律詩

接梨

竹西樓次韻贈主守

書牘

答許先生眉叟書

附詹叟許穆先生與滄洲公書



五山集增附

五言律詩

善竹橋

見中京詩  
題詠篇

五山

善竹連孤竹清風灑古今清霜圃隱節烈日伯夷心  
石老危橋罅山陰暮色沉丈夫多感慨把酒詠幽襟

七言律詩

題詠月樓

此下二首  
見箕雅

愁來徙倚仲宣樓碧樹涼生暮色遒鰲背海空風萬  
里鶴邊雲盡月千秋天連漢使乘槎路地接秦童採  
藥洲長嘯一聲凌瀨氣夕陽西下水東流



烟波亭八景 野橋歸僧 選二

晴川芳草望迢迢何處孤僧錫杖遙寺在白雲爭落  
日路分荒野入長橋鏡中過影游魚戲山外歸心倦  
鳥搖若遣龍眠成活畫芒鞋留著彩虹腰

贈楊龜陰公

時晉韻出龜陰遺集

遠客悠悠獨倚樓楚雲千里引鄉愁東華白髮垂雙  
鬢南國黃花負一秋旅枕不堪聞斷鴈夢魂時復還  
輕鷗夕陽無限思歸意空羨寒林宿鳥投



滄洲集增附

七言絕句

山行即事

見箕雅

滄洲

峽墮繁霜草木知  
長川脉脉向何之  
老龍抱子深淵裏  
卧教明春行雨期

七言律詩

接梨

此下二首  
見箕雅

惡根新挿好枝柯  
封植還從戰伐加  
津澗上行潛吐脉  
榮華旁達細抽芽  
若推人欲扶天理  
疑破秦京作漢家  
今後十年非失計  
坐看垂實與開花



竹西樓次韻贈王守

頭陀雲樹碧相連，屈曲西來五十川。  
鐵壁俯臨空外鳥，瓊樓飛去鏡中天。  
江山獨領官居畔，風月長留几案前。  
始覺眞珠賢學士，三分刺史七分仙。

書牘

答許先生着叟書

出許竹泉公集稿  
竹泉即先生之弟

窮谷意表得承辱書，感愧不淺。八十殘年，疾病交侵，  
世野同棄，公從何處得聞姓字？乃更垂問，猥加褒飾，  
至於此極，固不敢當。但以展讀華篇，圭璧生輝，照耀  
心目，摩撫玩賞，手不能釋。苟非天才傑出，製作與年



何以得此歎服深情難可筆旣相在隔遠奉晤無便  
聊憑尺牘掛一漏萬並惟照諒 乙亥六月二十日

附眉叟許

穆

先生與滄洲公書

見記言  
別錄

數百年來蔚然以文詞名世者不爲不多而又其  
傑特者亦且不少世之論文者固者守所聞通者  
出新見各爲題品爭說短長以爲某爲簡某爲苦  
某爲誇某爲媚某過於某某不及於某評論取捨  
紛然嘒嘒至於吾滄洲公無一人容一喙出一言  
摘一奇疵一瑕蹙然退讓議論不敢到譬如澗谿  
之淺者雖三尺童子猶可揭厲而涉也及夫八無



窮之墟窺巨海之驚濤無不心懼目駭惛然瞽亂  
迷失四方又安得窮畔涯而測其深哉穆竊慕焉  
以爲白首而讀古人書著文章日孜孜益勤其書  
滿架有以曜當世而光萬古者唯吾滄洲公一人  
而已聲名動一世而不能爲世用拓落優遊適足  
以吟哦而自宣嗟夫屈原不逐離騷不作揚雄不  
窮太玄不傳凡卓犖非常之士自古其命愈窮而  
其名益不朽彼取青紫享厚祿朝死而夕無名者  
豈可與同日道哉雷電之驚童子畏之白雪之和  
不八里耳文章之作又豈可與俗人言也如天地



之感鬼神之用萬物之情國家之盛衰世道之污隆  
咸寓於文而著焉故於明晦幽顯高深鉅細無不自  
得牢籠百態藏蓄萬變涵以養之泳以游之虎變龍  
見怫悅而感於是焉宣顧其自任宜如何哉又可以  
一時外物之來動心爲娛悲哉穆齟齬拙於人事恒  
懷惴懼無所交攝與人相對言語愧縮獨其心傲不  
諂下不趨流俗妄意自奮以爲力學不怠古人可以  
幾及自信不回濠棲窮山罕接事物不使耳目亂於  
所感勤苦不息如詩書禮樂聖人垂世立教之文歷  
代治亂興壞之紀與夫徇流異端竒怪譎詭之論誦



於口而究於心者積數十年于茲材稟卑下卒無所  
得與俗背馳祇益無味然而猶不知悔其心固滯可  
謂已甚時復自哂而已寡儔以來益無可語竊自念  
雖在百世之人猶可尙論而慕之穆雖甚陋於吾滄  
洲公幸及同時又慕悅之如此而不得一從乎下風  
竊甚歎且羞如一遊於高山大澤名邑通都猶足以  
自廣而况得接乎奇偉博辨之風以求聞其所未聞  
者哉揆奇討奧以發潛陋何異於聾者得聰聵者得  
明悅豫於黼黻鍾鼓之間哉不敢以無禮求見長者  
謹以書為贄略陳愚陋謹再拜



五山集跋

國家承羅麗之後掃除荒屯大開文治彬彬乎比侔中華  
而邈在肇造之初風氣渾朴聲明未融操觚之家既狃元  
季之衰音或襲宋人之陳語惟以適時用供館閣為能逮  
至

穆陵光御邦運鴻昌宏儒鉅匠蔚然輩出文章之感上祝  
隆古于斯時也車氏三父子並出一家以詩大鳴而惟五  
山子奇才俊氣特出流輩壓倒當世雄辭健筆如洪濤之  
赴壑奔驥之下坂觸之者風靡遇之者氣懾矢口落筆頃  
刻數千言並時諸公尸詞盟而負盛名者莫不逡巡却步



讓與一頭故允有大辭命副急應卒者輒屬之公而詔  
使之償接皇華之唱酬公未嘗不與焉觀於集中贈李提  
督七律百首長律百韻一晝夜立草者可驗也材力之雄  
富句字之精鍊非腐毫擢腸時可及何其神耶竊聞先輩  
相傳公於興到神會之時輒閉戶却客解衣盤礴專精注  
思已而欣然伸紙沛然縱筆手未停而篇已就云蓋其獨  
至之藝自得之境殆有神助非可學而能也是以名聞中  
國走卒皆誦可謂不世之英才也後之論者或謂之鋒穎  
失之太銳格力未能沉渙言固是矣然語曰尺有所短寸  
有所長造化之無全功久矣何遽以此少之耶試觀柳花



于耶撰願齋行狀有夢遺奇質之事殆如文通之花筆豈  
不異哉惜乎其後承零替不克世其家聲殘稿遺唾散落  
無傳人至今惜之何幸我

聖上聞右文之治建圖書之府蒐羅放失咸充秘局而

命求車氏遺書博訪幽仄得其後裔控湖南海西乃獻三

世遺藁十餘弓而敗楮斷簡殆不可讀爰命臣良浩刪

其繁冗卞其訛鈔編成全書未幾臣猥按西藩自內閣

下旨又命刊印以進臣謹加校讐分部列目並與其

手世稿合成一秩析爲八編倣中國聚珍堂活字印進焉

竊惟文章之盛衰實關時運之隆替惟我



聖上萬機之暇留心墳典發揮制作無復餘蘊凡於當世之曲藝一能靡不搜剔揚拂各奏其用而又興思於二百年之前表章其湮沒剗削而傳世譬如大勺運化陶成萬品無微不遂無蟲不達猗歟盛矣而況車氏之文即盛世之希音也隱而復顯使人家習而戶誦則可占文風復古之一大機不啻爲伊人曠世之遇而已豈不然哉

上之十五年辛亥仲秋正憲大夫行平安道觀察使兼兵馬水軍節度使都巡察使管餉使平壤府尹

臣洪良浩奉

教謹跋



五山集重刊跋

文載道器也世之為文章者自非鍾三光五嶽之氣蘊四  
部百氏之書菁華荅頽吐而為辭發而為語者夫孰能當  
之古人云六經之後更無文章其為難也有如是矣東屏  
之於文章蓋尚之深治之專而于羅于羅種種有作者然  
方之於古殆絕無而僅有天將待其人而使鳴國家之威  
歟我朝文治革舊鼎新比佯三英颯颯乎有中華之風  
海外鄒魯之說抑匪以此耶猗我

昭敬大王應命繼極奎運復回純儒哲匠項背相望文章  
之盛不讓於漢唐矣時有三世五文章并出我姓而惟五



山公通才茂學壓倒一世上薄千古文得其氣詩率其性  
語其敏則枚乘之七發也語其才則安世之二箴也雄渾  
炳煥有聲殷殷摩軋宇宙謂之載道而追古誠非過語也  
是以國朝之粹有大辭命及皇華之每有酬唱公未  
嘗不承命周章口未呼而心已運手未停而篇已就殆  
若神助而天成決非可學而至此也恭惟我

莊孝大王以聖人之姿兼文章之學含蓄四庫卓越三古  
迺於萬機之暇留心仁義發揮著作而特興思於二百年  
前命求其三世遺藁剞劂而傳世此非獨作成之至化  
而於我姓實德天覆也恩海涵也但伊時後承零替殘



咳遺唾十纔收七抑匪后昆之遺恨耶然瑞鳳之九苞觀  
一毛而足矣何必多焉哉時有洪公而溪子承命丁乙  
而跋之有日後之論者或謂鋒穎失之太銳格力未能沉  
澱蓋洪公之未及深思也誠若論者之說則以柳於于之  
博學宏才而撰之曰機雲螳伏坡穎匍匐箕城輿誌曰我  
朝文章之著於中國實五山之力居多彼尙論之不當斯  
可知矣不佞歷攷東史曰五山爲文浩汗無敵又曰快鶻  
橫海衆鳥騰空至於儒賢史臣之贊美殆難枚舉若果格  
力之未能沉澱則安有朝野乘之如是稱道乎今觀其集  
有五賢從祀疏及伯夷處名說而三復其文平心細想格



力之沉深無過於此野謂論者之說抑匪傾蠡而酌海乎  
吾先君鶴南公歲丙寅求得公之全集於漢師留意於  
刊布而事羸力絀而未果矣今者族孫載龍學洙載勲甫  
有意於斯略輯其漏而剞劂之將以廣布其承先裕後之  
志固嘉尚也已不佞時在鶴城走价十舍之外囑其重刊  
之跋不可以不文強辭故略叙已臬而其餘則而溪子之  
舊跋已盡之矣安更贅之世之君子覽斯集則向所稱載  
道之器追古之文者非溢義之說也已于以俟後之太史  
氏之采擇焉

崇禎五辛丑秋七月己卯傷齋前博士錫祐謹跋



正廟朝辛亥 命箕營刊印後一百一十一年辛丑孟秋  
五山集重刊所執事目錄

重校 幼學 載龍

增訂 幼學 學洙

正書 幼學 載勳

監印 幼學 鎮台

幼學 敏奎

謹按洪公撰跋曰車氏之文盛世之希音也隱而復顯  
家習戶誦則可占文風之復古云而舊刊已歷百有餘  
載全集之行世者幾希將有顯而復隱之慮故今茲仿



五山集卷之八  
一  
齋不揆潛妄一依內閣取校重範活字以布而以  
正廟朝 傳旨并之其集外所漏無由廣采略攷有據  
者增入否則不敢贅補留俟博雅者釐輯焉







